

國家圖書館藏

清代孤本方志選

綾裝書局

資平社

國家圖書館分館編

清代孤本方志選

(第一輯第十三冊) 安徽

池州府志〔康熙〕二十二卷

定遠縣志〔康熙〕五卷



池州府志卷之二

前任朴懷正編輯

欽定四庫全書

性便利喜動貢賦難科經生學士文雅彬彬士

知向學民多尚儉稼穡之外尤力植杉石人性機

敏往哲熙熙軍民隸于二省健訟由興建民業耕

魚地未盡利東大槩士夫崇恬退尚氣節婦女親

蠶織工紡績土著之民憚遠行不事貿遷耻賤役

甘心貧窶以故六邑利權半歸寄客百家末藝盡

出游民至若見利忘義鬪狠爭雄讐訟經年破家

無悔此又細民之無賴者俱舊志

池陽之俗士敦詩禮氓守儉質雖壤接吳中而無

其澆習大都舊患俚鄙耳邇年以來不能不波士
稍佻奢氓漸嚚競司世風者當有以坊之至于人
稱經笥爭窺羽陵之簡家開詩社共倡天寶之音
此又一變而美盛者也

正月元日祈年

五鼓潔廳宇焚楮幣以拜上下神祇

慶節

弟子序拜尊長然後

親族里人更相造拜

拜墓

元節五日內長幼拜先人墓

立春

市春餅

上元觀

燈

門各跨街張燈羣童迎巧燈扮襍戲以恣觀賞爆竹放花蕭鼓之聲徹于閭巷婦女擲瓦缶以

板不祥

逐疫

凡鄉落自十三至十六夜同社者輪迎社神于家或踰竹馬或肖獅象或滾毬

燈妝神像扮襍戲震以鑼鼓和以喧號羣飲畢返社神于廟蓋周禮逐疫遺意

二月社日祀社神

鄉市同社者借社衆送社神于輪社者之庭祭以祈年祭畢餞

其餘而返祭新墓 俗云新墳不過社仲春朔日後凡新封者具牲醴約姻族至墓所祭之餞

餘而返

三月清明掃墓

季春朔日後士女詣墓所祭掃祭畢加土于塚掛楮標其上餞餘而

返插柳 士女戴柳枝及插門之左右俗云辟邪

祀蠶姑 婦女製米繭祀蠶姑以祈

蠶三日簪薺花

四月八日浴佛

僧人以是日爲釋迦誕辰置小佛于盆以香水浴之 造青精

飯 取南燭木葉搗汁和水漬米成紺色蒸以供佛且各相饋也

五月端午競渡

懸艾飲菖蒲酒啣角黍採藥物

六月六日祀田祖

七月中元薦祖

八月朔日

青陽俗尚掃墓除墓草

十二日郡城大賽神會

各

神迎昭明像于郡內祝聖寺焚香者拜跪于道不絕至十八日復送像還西廟詳吳非池州賽會記

中秋日

青陽石埭大賽神會建德迎祀余公司徒供具甚盛演禱劇剖羊豕酬以路酒比屋

皆祀社

社日諸鄉村各祀其社蓋然報賽遺意禮與春日同

九月重陽登高

士人登山飲茱萸酒云避不祥蓋緣費長房遺意也又民間製糍

糕頒食且互相饋

銅陵為龍燭會以迎官山神

民間戲竹馬逐疫

貴池各鄉大賽土神

每年東鄉有案會西鄉有朝會皆以迎梁昭明為主而諸

神附之或演劇設酒以待親友與孝鄉則逢閏季為之期于九十月間也

十月一日飼耕牛 是日田家製糝糕因荷葉裏以飼牛云酬耕作之勞

十一月冬至祀祖 設酒饌焚楮幣以祀祖蓋迎長日意也

十二月八日調粥 雜以米果和以五味 二十四夜

祀竈 薦祖先 俗云 掃室宇 饋歲 以禮物互饋或置酒殺獻

之姻 除夕爆竹 荆楚山獠惡鬼犯人輒病 桃符 族惟畏爆竹聲池俗從之

門神春帖 守歲 尊卑聚飲

附 氣候

西北多寒東南多暑惟中原與曆相協池去中原

僅千餘里四時之氣甚正立春天氣霽日和挾續卽
汗可揮輕箠少雨復寒二月猶時有雪五月始暑
恒苦霑霖或一日內晴陰無定土人謂之霾天人
四體沾溽可厭書畫衣器之類潤而易敝六七月
炎劇几席皆如灼立秋一雨卽涼氣襲人冬多雪
雖盈尺然亦不須重裘惟是地介江湖不無卑濕
四季有暴風昏霧乍涼乍暄感者多疢及河魚之
疾初產嬰兒間患臍風而濱江之邑爲甚蓋下濕
所致也尊生者慎之

論曰池風俗之盛衰不存乎其爲政者哉道
有升降政由俗革蓋畢命嘗言之乃池之爲
池初盛于唐未必非爲政者鼓舞之變動之
也由唐及今又不無時盛時衰于其間抑豈
以地爲之限與氣候雖關天時然亦因乎地
者池山深而近江寒暑遲速已各不同杜樊
川與李景業書曰大江之南夏候鬱溼易生
百疾斯言也可以槩池矣二公者則皆以使
君鼓舞變動于池者也

城池

兵禦營幕坊表附

府城周一千四百二十八丈五尺高二丈五尺有

奇門七正南曰通遠南之左曰毓秀右曰鍾英北

之左曰迎恩右曰望京

今塞

東曰九華西曰秀山門

各有樓惟通遠有鍾鼓以節晨昏月城四毓秀鍾

英無之警舖一十有六緣城東南二面有溪湖通

江

貴池附郭

池陽在漢居石城距今郡治西八十里

見西漢地理志

吳築虎林城在今郡治東北

見吳地志

按此非今之

郡治也梁大同中仍於石城置太原郡隋平陳廢之唐永泰間始置州治於此太守李芄築城後爲巢賊攻破太守竇濬修復之

見濬廳壁記

按此

在秋浦未徙貴池之前亦非今之郡治也宋壞於建炎兵火使君李彥卿得朝廷賜錢八萬緡復加營繕周圍七里零三十步

見張祐修城志及乾道舊志

紹興初傾圯開禧丁卯李思重燹之嗣後趙炎陳覃傅伯名葉永漸徐橋乃相承經理自巽至乾七百六十五丈陳所續也自丁至癸一百一

十九丈傅所續也嘉定己卯程宗仁又廣癸以
下六百八十二丈共一千零六十丈而城始完

見牛斗南
撰城池記

越四年史定之再於城外西偏附以

新城狀如偃月計七十七丈舊城爲門者六東
曰清溪西曰秋浦南曰通遠北曰望京東南曰
九華西北曰鎮江端平乙未郡守王伯大重修
易秋浦曰秀山新爲門者二關瓮門者三圍城
新浚濠池衛以五軍高宗南渡後常建駐劄御
前諸軍統制大帥宿重兵而鎮之宋季爲元將

伯顏攻陷城無完堵元至正丙申又爲趙普勝
率蘄黃徐賊攻毀九華門東南一帶盡皆湮廢
而郡無城池矣明正德甲戌淳安何紹正來守
茲土丁丑始築城高二丈三尺而厚倍之其廣
則西北仍舊東南則恢拓之周一千四百二十
八丈爲門者七南曰通遠南之左曰毓秀右曰
鍾英北之左曰迎恩右曰望京東曰九華西曰
秀山爲月城四城各有樓爲窩舖者十六費銀
二萬四千有奇工始於正德丁丑夏五月成於

戊寅冬十二月濠池自昔堊爲民業乃鑿浚益
深儼然金湯紹正之功也

見費宏
城記

後以形家言

塞堊京門隆慶末江賊越城殺人萬曆初兵備
副使馮叔吉知府王頤乃增城而高之城內磚
砌高一丈二尺或六尺不等外加高四尺塚口
高三尺五寸月城高三尺修理門樓窩舖者二
十七處共費銀四千九百兩有奇工始於萬曆
乙亥九月成於丙子正月距紹正築城恰一甲
子矣嗣是雉堞益巍寇警遂絕叔吉與頤之功

也 見畢鏘城記

本朝仍之時有修理通遠門大觀樓傾圮康熙十年

知府朴懷玉同貴池縣知縣張應薇重建

青陽城門東曰賓陽西曰望池南曰對華北曰仰

辰 其始也東曰宣和西曰承澤南曰迎薰北曰回春

銅陵城門東曰啓明西曰臨津北曰貞城南曰湧

洲 其始也門二東曰寅賓西曰望江

石埭城門東曰來寧西曰金城南曰儀鳳小南曰

清舒北曰望華 其始也東曰寅賓西曰迎恩南曰毓秀南之左曰阜成北曰望仙

建德城門東曰雞鳴西曰龍化南曰鳳翔北曰象

馴

其始也東曰迎春西曰惠
政南曰廣濟北曰迎恩

東流城門東曰迎曦西曰菊江南曰麗山西南曰

通津北曰瞻極

其始也東曰迎曦西曰望江西之
右曰大觀南曰薰陽北曰拱極

論曰池城有廢有興有徙有造亦可知其時

之爲盛爲衰矣吳地志所云虎林城在今郡

治東北者非今之郡治也竇滴所記李芑築

城者在秋浦未徙貴池之前亦非今之郡治

也今城池相仍而無更爲池民者不亦幸安